

路竹人(台語文)

作者：蘇晏德

路竹有我 ê 記持 有我 ê 過去  
半路竹街是過去 ê 名字  
華山殿記載寧靖王 ê 點點滴滴  
龜山仔佇蔡文國小留落印記  
成功市場是退休 ê 菜市  
大社 kah 鴨母寮是蘇--家 ê 故居  
一甲王--家佇遮倚起  
蔡文是洪--家 ê 鄉里

過去 ê 路竹有三間戲院  
一甲福壽 路竹萬國已經無--去  
只 tshun 福源戲園孤單過日子  
戲園已經無閣搬戲  
路竹警察分局親像無人關心 ê 孤兒  
第一銀行佇遮出世  
舊圖書館這馬是地方文化 ê 史記  
大社老街有奢颺 (tshia-iā<sup>n</sup>) ê 過去

兩 ê 交流道予路竹縮短南北 ê 距離  
若 beh 快速 路竹近高鐵  
你敢知影大湖火車頭 ê 地址？  
大湖火車頭是路竹 ê 後院  
伊 ê 門牌是路竹免懷疑  
伊是路竹 ê 砵墘(gîm-kî<sup>n</sup>)

科學園區就業條件真完備  
雞卵是 ê 路竹標誌  
遮有花菜.雞卵.柑仔蜜 kah 虱目魚  
在地傳統產業是螺絲  
螺絲拚出路竹人 ê 一片天  
遮 ê 鐵卵滿滿是  
銷到國外 kah 台灣各城市  
逐項口味在你試

路竹是我 ê 地 嘛是我 ê 天  
路竹人真有人情味  
多數 ê 人講台語  
歡迎來做阮厝邊